

## Aurreikuspenak

Munduko ekonomiaren susperraldiak desadostasun handiak ekarriko ditu herrialdeen artean. Consensus Forecasts-ek, abuztuko txostenean, 2021ean munduko batez besteko hazkundea %5,8 eta 2022an %4,4 izango dela aurreikusi du. Ekonomia aurreratuetarako aurreikuspenak gorantz berrikusi dira, eta garatzeko bidean dauden eta azaleratzen ari diren herrialdeen bilakaera ekonomikoari buruzko aurreikuspenak, berriz, beherantz. Bi blokeak oso argiak dira. Alde batetik, txertoak erraz eskura ditzaketen eskualde ekonomikoak daude, 2021aren amaierarako jarduera ekonomikoaren normalizazio handiagoa lortzea espero dutenak, susperraldiari laguntzeko politiken bidez, gainera. Beste muturrean, Covid-19ak eragindako gorakadei, kutsatzei eta biktimei aurre egin behar dieten herrialdeak daude, baita osasun krisiarekin lotutako jarduera-murrizketei ere.

### EKONOMIA AURREIKUSPENAK

Urte arteko aldakuntza tasak

	BPG			Kontsumo prezioak		
	2020	2021	2022	2020	2021	2022
Munduko ekonomia	-3,3	5,8	4,4	1,9	3,2	2,7
AEB	-3,4	6,2	4,4	1,2	4,1	2,9
Kanada	-5,3	6,1	4,2	0,7	2,9	2,4
Japonia	-4,7	2,4	3,0	0,0	0,1	0,5
Eurogunea	-6,5	4,8	4,4	0,3	2,1	1,5
Europar Batasuna	-5,9	4,6	4,3	0,6	2,1	1,7
Alemania	-4,8	3,3	4,4	0,5	2,8	1,9
Espainia	-10,8	6,0	5,9	-0,3	2,1	1,4
Frantzia	-8,0	5,9	3,9	0,5	1,5	1,3
Herbehereak	-3,7	3,0	3,4	1,3	2,0	1,7
Italia	-8,9	5,3	4,2	-0,2	1,4	1,2
Erresuma Batua	-9,8	6,8	5,4	0,8	2,2	2,7
Asia eta Ozeano Barea	-0,9	6,5	4,9	2,0	1,7	2,1
Ekialdeko Europa	-2,5	4,6	3,8	5,0	6,7	5,2
Amerika Latinoa (Venezuela ezik)	-6,7	5,8	2,9	6,4	9,0	7,1

Iturria: Consensus Forecasts (2021eko abuztua).

Munduko eszenategi makroekonomikoen gaineko arriskuak beherantz seinalatzen dute oraindik. Aurreikusita dagoena baino txertaketa erritmo motelagoak birusaren beste mutazio batzuk ahalbidetuko lituzke, ekonomiaren susperraldia eragotz dezaketenak. Inflazioaren

aurreikuspenek ere ziurgabetasun handia sortzen dute, eta finantza baldintzak gogortzea ekar dezakete. Nazioarteko testuinguruan, pandemiak eraginda, desoreka handiak gertatzen ari dira produktuen eta eskulanaren eskaintzaren eta eskariaren artean, eta osagaien eskasia eta horniduretan arazoak sortzen dituzte. Desoreka horiek aldi baterakoak izatea espero da, baina egoera horren ondorioz sortutako botila lepoek eragin nabarmena izango dute sektore askoren susperraldian. Azkenik, gizartearen ondoezak, tentsio geopolitikoek eta hondamendi naturalek susperraldirako oztopo gehiago ekar ditzakete.

Ekonomia aurreratu gehienetan, nazioarteko erakunde guztiak hazkunde aurreikuspenak gorantz berrikusten ari dira. Ekonomiaren normalizazio handiagoa espero da 2021aren amaieran, txertoen banaketak izan duen aurrerapenari eta ezohiko laguntza fiskalari esker. AEBetako ekonomian, aurreikuspenen goranzko zuzenketa aurreikusitako legeriaren inpaktuak ere eragin du, azpiegiturretan inbertitzea bultzatuko baitu eta gizarte babeseko sarea indartuko baitu. Consensus Forecasts-ek aurreikusi du 2021ean eta 2022an hazkunde tasak, hurrenez hurren, %6,2 eta %4,4 izango direla. Dinamismo horrek ondorio positiboak izango ditu herrialde horren merkataritza bazkideetan.

Azaleratzen ari diren eta gorabidean dauden herrialdeetan, perspektibak okertu egin dira. Izan ere, Indiako ekonomia osasun krisiak eta eragile ekonomikoen konfiantzaren atzerakadak kaltetuko dute. Beste aldetik, Txinan aurreikuspenak beherantz zuzendu dira, inbertsio publikoak behera egin duelako eta zerga laguntza globala kendu delako.

Eurogunea %4,8 haziko da 2021ean eta %4,4, berriz, 2022an, Consensus Forecasts-en arabera. Aurreikuspenen arabera, 2021aren amaieran pandemiaren aurreko maila berreskuratuko da. Hala eta guztiz ere, susperraldiaren abiadurak alde handiak erakutsiko ditu estatu kideen artean. Inflazioaren aurreikuspenak ere gorantz berrikusi dira. Energiaren prezioen gorakadak eta osagai batzuen hornikuntzan izandako arazoengatik ekoizpenean agertu diren botila lepoek kontsumo prezioen goranzko presioa eragin zuten 2021ean. 2022an goranzko joera hori zuzenduko dela espero da, eskaintzaren murrizketak amaitzen direnean eta eskariaren hazkundera murrizten denean. Consensus Forecasts-en arabera, kontsumorako prezioak %2,1 eta %1,5 haziko dira 2021ean eta 2022an, hurrenez hurren.

Espanian, Consensus Forecasts-ek %6,0ko hazkundera aurreikusten du 2021ean, eta %5,9, berriz, 2022an. Hazkunde hori pandemiaren eta, ondorioz, ekonomiaren bilakaeraren aurrean baikorragoak diren eragile ekonomikoen igurikimenean oinarrituko da. Hazkunderaren eragile nagusia barne eskaria izango da. Horrela, familiak, pixkanaka, zuhurtziazko jarrera alde batera utziko dute kontsumo erabakiei aurre egiteko orduan, eta atzeratutako eskariaren efektua

agertuko da. Enpresen inbertsioa hedatu egingo da Europarako berreskuratze planaren funtsen laguntza osagarriarekin (NGEU).

### ESPAINIARAKO AURREIKUSPENAK HIRUHILEKOKA (2021eko iraila)

Urte arteko aldakuntza tasak

	2021		2021	2022				2022
	III	IV		I	II	III	IV	
<b>BPG</b>	<b>4,0</b>	<b>6,7</b>	<b>6,0</b>	<b>9,0</b>	<b>6,5</b>	<b>5,0</b>	<b>4,7</b>	<b>6,2</b>
Kontsumo pribatua	6,6	7,4	8,6	10,7	5,1	4,7	5,0	6,3
Kontsumo publikoa	2,8	2,1	2,9	2,1	1,4	0,7	0,6	1,2
Kap. finkoaren eraketa gordina	1,2	4,4	4,8	7,6	9,6	8,4	7,0	8,1
-Inbertsioa ekipamenduan	0,0	4,8	11,5	5,0	5,3	6,7	6,2	5,8
-Inbertsioa landutako aktibotan	2,3	-4,4	5,7	-7,8	-10,5	-4,6	-0,8	-6,1
-Inbertsioa eraikuntzan	0,1	4,6	0,5	11,5	16,0	12,1	9,5	12,2
Barne eskaria	4,7	5,8	6,5	8,3	5,4	5,0	4,7	5,8
Esportazioak	8,8	10,3	8,8	17,1	19,7	14,8	13,2	16,1
Inportazioak	11,3	7,6	10,8	14,9	16,3	14,8	13,8	14,9

Fuente: CEPREDE

Koadro makroekonomiko horren gainean arrisku ugari daude. Haietako behinena, eta epe laburrenera, pandemiaren bilakaera da oraindik. Bereziki, txertorik hartu ez duten biztanleen artean, batez ere gazteen artean, egon daitezkeen aldaera berrien eragina. Kutsatzeak areagotzeak konfiantzan eragin negatiboa izango luke, eta kontsumoa eta inbertsioa geldiaraziko lituzke. Turismo sektoreari dagokionez, jatorrizko herrialdeetan bidaietarako murrizketak ezartzeak edo kentzeak ondorio garrantzitsuak izan ditzake zerbitzuen adarrean, Espainiako ekonomiak turismo sektorearekiko duen mendekotasun handia dela eta. Bestalde, Europako funtsen kudeaketa erabakigarria izango da etorkizuneko bilakaera ekonomikorako. Enpresentzako laguntzak ezartzeko atzerapenek susperraldiaren erritmoa galgatuko lukete.

Lanaldi osoko enplegu baliokideari dagokionez, CEPREDEk %5,4ko hazkunde tasa aurreikusten du 2021ean, eta %2,5ekoa, berriz, 2022an. Urteko batez besteko langabezia-tasa %15,4ra iritsiko da 2021ean eta %14,2ra 2022an. Gizarte-eragileek ABEEei buruz etorkizunean egingo dituzten negoziazioek lan merkatuko aldagaien bilakaera zehaztuko dute.

Eusko Jaurlaritzako Ekonomia eta Plangintza Zuzendaritzak hazkunde ekonomikoaren aurreikuspenak eguneratu ditu 2021erako eta 2022rako. Aurreikuspen berri horietan, Eustaten hiru hilean behingo kontu ekonomikoei eta koiunturako hainbat adierazleri buruzko informazio gaurkotuena sartu da. Datu berri horiekin, 2021ean aurreikusten den BPGaren urteko hazkundera aurreko hiruhilekoko tasa berean mantentzen da. Hala, batez besteko aldakuntza tasa %6,7 izango da 2021ean, eta %6,4, berriz, 2022an. 2021erako BPGaren datu globalak aldaketarik izan ez badu ere, hazkunderaren osaera zertxobait aldatu da. Oraingo aurreikuspenean, barne eskariaren ekarpena gorantz berrikusi da, azken kontsumoko gastuaren ekarpena handitu delako, bai familiena, bai administrazio publikoena, bai inbertsioarena. Horiek horrela, oraingo aurreikuspenean kanpoko sektoreak egiten duen ekarpena negatiboagoa da, eta sei hamarren kentzen dizkio BPGaren gehikuntzari. 2022an, kanpoko ekarpena hiru hamarren positibokoa izango da.

#### EAE-KO EKONOMIARAKO AURREIKUSPENAK HIRUHILEKOKA (2021eko iraila)

Urte arteko aldakuntza tasak


	2021		2021	2022				2022
	III	IV		I	II	III	IV	
<b>BPG</b>	<b>5,5</b>	<b>7,4</b>	<b>6,7</b>	<b>8,8</b>	<b>7,5</b>	<b>5,6</b>	<b>4,0</b>	<b>6,4</b>
Azken kontsumoa	5,8	6,9	6,7	8,1	5,8	5,2	3,8	5,7
Kontsumo pribatua	6,8	8,2	7,9	9,9	7,0	6,3	4,4	6,8
Kontsumo publikoa	2,9	2,7	3,1	2,2	2,0	1,6	1,8	1,9
Kapital eraketa gordina	6,0	8,3	8,0	8,7	9,9	5,3	3,4	6,7
Barne eskariaren ekarpena	6,1	7,5	7,3	8,5	7,1	5,4	3,8	6,1
Kanpo saldoaren ekarpena	-0,6	-0,1	-0,6	0,3	0,4	0,2	0,2	0,3
Lehen arloa	5,9	9,0	3,5	6,9	9,5	-2,5	-6,1	2,3
Industria eta energia	6,9	7,6	9,7	7,9	7,1	5,2	2,5	5,6
Eraikuntza	4,1	4,8	4,2	5,0	5,8	3,3	3,9	4,5
Zerbitzuak	5,0	7,5	5,7	9,3	7,9	6,0	4,4	6,8
Balio erantsi gordina	5,3	7,3	6,6	8,7	7,6	5,6	3,8	6,4
ekoizkinekin gaineko zergak	7,1	8,5	7,8	10,4	6,0	6,1	5,9	7,0
BPGaren deflatoarea	2,0	1,6	1,7	1,3	1,4	1,4	1,5	1,4
Lanaldi osoko lanpostuak	3,5	3,8	5,1	4,1	3,2	2,9	2,9	3,3
Landunak (BJA)	2,8	1,9	1,3	1,9	1,0	1,1	0,6	1,2
Langabezia tasa	9,9	9,9	10,3	9,8	9,6	9,4	9,3	9,5

Iturria: Ekonomia eta Plangintza Zuzendaritza.


Barne eskariak susperraldi handiko profilarri eutsiko dio, eta aurten 7,3 puntuko ekarpena egingo dio hazkundeari, eta 2022an 6,1 puntuko ekarpena. Familietako kontsumoak erritmo onean jarraituko du gora egiten iragarpen horizontean. Konfiantzaren gorakadak, metatutako aurrezkiak eta lan igurikimen hobeeek eskaeraren agregatu hori gorantz bultzatuko dute. Kapitalaren eraketa gordinari dagokionez, osagai horren azelerazio handia aurreikusten da. Aurreikuspenen arabera, munduko ekonomiak dinamismo handiagoa izango du, enpresen konfiantza areagotuko da eta Europako funtsak sustatuko dira ekonomia suspertzeko. Administrazio publikoen kontsumo gastuak ekarpen positiboa egiten jarraituko du barne eskarian, baina moteltzeko joera argi batekin.

### 2021eko eta 2022ko aurreikuspenak (I) Urte arteko aldakuntza tasak

Barne produktu gordina



Enplegua



Iturria: Ekonomia eta Plangintza Zuzendaritza.


Eskaintzari dagokionez, ekoizpen sektore guztiek jarduera hobetuko dute 2021ean aurreko urtearekin alderatuta, eta 2022an hedapen ekonomikoak orokorra eta iraunkorra izaten jarraituko du. Industriaren adarrak hazkunde jarraituaren profila markatuko du, EAEko industriaren produktuak saltzen diren barne zein kanpo merkatuen susperraldiak lagunduta. Bilakaera horren arrisku garrantzitsu bat funtsezko produktuen hornidura arazoaren jarraitutasuna litzateke, hala nola erdieroaleak, metalak eta produktu energetikoak. Bizitasun handiko joera zerbitzuen sektoreak ere partekatuko du. Bi adar horiek izan ziren COVID-19aren krisiak gehien kaltetu zituenak. Eraikuntzari dagokionez, jarduerak tasa esanguratsuetan jarraituko duela aurreikusten da, baina industriaren eta hirugarren sektorearen tasak baino txikiagoak izango dira.

Eraikuntzaren adarrak ere, familien kontsumoarekin batera, atzeratutako eskariaren eragin positiboa hautemango du.


Lan merkatuaren arloan, enpleguaren hazkundera eta langabezia tasaren jaitsiera sendotuko dira EAEko ekonomian. Taula makroekonomiko berriaren aurreikuspenen arabera, enpleguaren hazkundera %5,1ekoa izango da 2021ean eta %3,3koa, berriz, 2022an. Tasa horien ondorioz, gutxi gorabehera 44.000 lanpostu sortuko dira 2021ean eta 31.000 enplegu inguru 2022an. Zenbaki horiek lanaldi osoko lanpostuei dagozkie, hau da, aurreikusitako BPGaren mailara iristeko behar diren lanorduei. Pertsona landunei dagokienez, aurreikuspen ekonomiko onen ondorioz, gaur egun aldi baterako lan erregulazioko espediente batean dauden soldatapeko langileak lanera itzuliko dira. BJAri dagokionez, okupazioak 12.300 eta 10.800 landun gehiago izango ditu 2021ean eta 2022an, hurrenez hurren. Bestalde, langabezia tasa %10,3an kokatuko da 2021ean, eta %9,5ean 2022an.

### 2021eko eta 2022ko aurreikuspenak (II) Urte arteko aldakuntza tasak

Aurreikuspen panela 2021



Aurreikuspen panela 2022



Iturria: Ekonomia eta Plangintza Zuzendaritza (2021eko iraila), Cereprede (2021eko uztaila), BBVA (2021eko abuztua), Laboral Kutxa (2021eko uztaila), Funcas (2021eko ekaina), Confebask (2020ko abendua) eta Hispalink (uztaila 2021-BEGren aldakuntza).

Eusko Jaurlaritzaren 2021erako eta 2022rako aurreikuspen ekonomikoak tarteko eremuan kokatzen dira, beste erakunde batzuek EAEko ekonomiari buruz argitaratu dituzten iragarpen tarteen barruan. Hala, 2021erako, eskura dauden aurreikuspen eguneratuak Funcasen %5,5 eta Confebasken %7,2 artekoak dira. 2022rako, hazkunderako balio minimoa Hispalinkek ezartzen du (%5,3) eta balio maximoa BBVAk aurreikusten du (%7,5).